

مستطابق

در سعادته باب عالی جاده سنده
اداره مخصوصه
محل اداره :

انظار :
مسلمانه موافق آثار جدید مع المنزیه
قبول اولنور
درج ابدله بن آثار اعاده اولغاز

دین ، فلسفه ، ادبیات ، حقوق و علوم دین باحث هفته لقا رساله در

مؤسسه : ابوالعلا زین العابدین - ح . اشرف ادیب

سنه لک	القی آیلمی	درسه دتده
۶۰	۳۰	ولا یاتده
۸۰	۴۰	مملک اجنبیه ده
۸۰	۴۰	

تاریخ تاسیسی :
۱۱ خمر ۳۲۴

در سعادته نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ فروش فضله آلنیر

در سعادته پوسته ایله کوندریلیرسه ولایات بدلی اخذ اولنور.

دیرزکه: اگر ایش حقیقه بویه ایسه پک قولای. زیرا دیمک بو آدمیر برهان حسی قائم اولمادجه هیچ بر شئی انکار یا خود اثبات ایتمک ایچون عهد و میثاق ایتمیشلر. پک اعلا، لکن یا بو آدمیر الله قارشى، ناسه قارشى یلان سویله رک کندیلرینک وضع ایتمیش اولدیغی قانونه اوتانمهدن ینه کندیلى مخالفت ایدرلرده بو صورتله قانونی ایلك نقض ایدن طوغریدن طوغریوه واضعلری اولورسه نه دیرسکیز! باقیکنز ینه واستاد لیتره نه دییور: «طبیعیون ماده نك ثقلی اولدیغی بیلدیکی کبی فیزیولوژیون ده ماده عصیه نك تفکر خاصه سنه مالک بولدیغی بیلیر. مع مافیه بونلرک ایکسی ده نه ماده نك نه صورتله حائر ثقلت اولدیغندن، نه ده اعصابك نصل متفکر بولدیغنه وقوف ادعاسنده دکلدیر.» کورویورسکیز یا استاد کندی قانونلرینه نصل مخالفت ایدیورده خصیصه تفکرک اعصابده اولدیغنه نصل حکم ایلور. اعصابك متفکر اولدیغنه دائر الله برهان حسی وارمی؟ اگر فلسفه حسیه قانونه اتباع ایتمیش اولسه دی مسائل فلسفیه نك الكمشکلی اولان بومسئله نك اوکنده اعتراف عجز ایتمی لازم کلزمی ایدی؟

بونلرک هیچ برهان حسی اولمقسزین نفی واثباتده بولنلرینه باشقه بر دلیل ده ایتزمیسکیز؟ ایشته ینه عین مسلکه مخصوص قانونک واضعی بولنان لیتره بر اثرنده شویله اداره کلام ایدیور: «نظریمزده ظاهر اولیورکه کائناتی ایجاد ایدن اسباب ذاتیدر، کائناتندن متمیز دکلدیر. ایشته بزم قوانین طبیعیه دیدیکمز اواسابدر.»

باقیکز استاد کائناتی خلق ایدن اسبابک قوانین طبیعیه دن عبارت اولدیغنی واونک کائناتندن متمیز اولدیغنی هیچ بر برهان حسی اولمقسزین نصل ادعا ایدیور! مابعدی وار محمد فرید وجدی

منجمی: محمد عاکف

تذکره احوال

یادماضی

سزمکه باشلادم. بو صره لرده ایدی که کوکه حسرت پذیر آتشی دوشدی. کاه غلیان حسرتله ملول و محزون اولور، کاه بوهنگام معصومیته مخصوص کیم بیلور نه کبی مطالعات غریبه ایله آوونه رق کولوب اوینازدم. قبر پدری زیارت ایتمک ایچون اصرار کوستردیکم پک چوق اولوردی. وقت وهوانک مساعده سندن فرصت دوشدجه بو آرزوم اسعاف ایدلیدی جهته زیارته کیدرکن پدرمه برکنده عودت ایدرم خیالی بارلار واورایه کیدوبده بوخیالک نقشبذیر امکان اوله میه جغنی کویا بریسی دروغه الهام ایدیورمش کبی اولنجه بیونم بوکوک دوزدم. پدرک وفاتنده ارکان بیت اولسق اوزره التی نفوس ایله سعید نامنده لالامز قالمشیدی. بیتوتکاهمز اولان خانه دن بشقه ادرنه

قپوسنده واقع حاجی محی الدین محله سنده برکرا اوی و سلطان احمدده شیمدیکی بلدییه باغچه سنک قبله جهتندن قارشوسنده کائن کارکیر بر باب بقال دکانی ایله بر بطن اولاده منتقل اسهام ونقداً وسنداً بر خیلی مقدار اچه مرحوم پدرمزدن انتقال ایدلیدی جهته شو واردات وموجودات حسن استعمال ایدلیدی صورتده کنیدی باغمزله قاوریله جق مرتبه اعاشه مزه کافی ایدی. انجق دکانک ملک صاحبی ایله تحدث ایتمیش منازعه اوزمان محکمه تفتیشده اوزون اورادییه مرافعاتی انتاج ایدر وبویولده موجوداتک بر قسمی الدن چیقار. سندات اصحابندن اکثری ایسه بورجارینی تعقیب ایدمک کیمسه بولمادیغنی کورملریله تأدییه دن جهته یناشماز، بونکده بر خیلی مقداری شو صورتله چوریوب کیدر. [کدک — باغچوان، دکرمنچی، قیو محی کبی ارباب حرف و صنائعندن

برینه منسوب قازمه وکورک، طاش وخروس، کوروک و اوجاق مثللو آلات وادواتک مالکی اولان کیمسه دیگر کیمسنه نك تحت تملکنده ویا خود اجارتین ایله تصرفنده بولنان بستان، دکان، دکرمن کبی عقارینی معلوم المقدار اجاره معجله ومؤجله ایله و اول عقار وقف اولدیغنی تقدیرده اذن متولی ایله عدد سنین وشهور بیان اولمقسزین استیجار ایدر وباشروط قرار آلات مذکوریه اوعقار درونه وضع ایله استعمال ایدر. ایشته عرفده بو صورتله وضع اولنان آلاته «کدک» وموضوع ومستقر اولدیغنی عقاره وقف اولسون ملک اولسون «ملک» دینور.]

والده دخی تقدیر خدا ایتمش که چو جقلمک تربیه سیله مقید اولسون دیه کنیدی ده بزم کبی محتاج متروکات پدر بولنان بر ذاته وارر. بو ذات مورده لی شیخ محمدافندی مرحوم مدرکه حضرت نورالدینک فخری تربیه داری ایدی. کنیدیسی امی اولدیغنی حالده ترکجه عربجه روجه ارناؤدجه اوله رق درت لسان ایله متکلم ایدی. ترجمه حالی اوزون اوزادییه حکایه ایدردی. خاطرمده قاله بیلن خلاصه سنی بروجه آتی نقل ایدیورم:

«پدرم مورده مفتی زاده لردن مصطفی پک ایدی. مورده وقعه سنده بن کوچوک ایدم. والده مه ایکی همشیره می کوزمک اوکنده اولدیردیله. بن نعلش التنده قالمشم. صکره بنی نعلش اره سنده بر حیات بولدقلری زمان آتیه لی بر تاجر آلوب آتیه کتوردی. کنیدیه اولاد ایدندی. بر خیلی وقت یاننده قالم. فقط پدرمک حیاته اولوب شامه هجرت ایتمش اولدیغنی خبر آلدیغمدن کنیدیه قاوشمق ایچون بر سفینه یه راکباً فراره قدم باصدم. یوللرده انواع محن و مشاق ایله وکاه برآ وکاه بحر کوچ حال ایله شد رحل ایدرک نهایت دمشق الشامه واصل اولدم. او زمان هنوز روجه وارناؤدجه دن بشقه لسان بیلمز ایدم. بونکچون حالی هریرده اکلاده مدیغمدن یوللرده و اوغرا دیغم یرلرده پک صیفتی چکیور ایدم. شامده پدرمه ملاقی اولدم. وفاتنه قدر یاننده بولدم. اوراده غریب و بیگس قالم. بونک اوزرینه سواحل طریقیله قره دن از میره کلدیم. باقدم، از میره هجرت ایدن اقربامزدن ده کیمسه قالمیش. اورادن بروسه یه کتدم. بوراده

افراد عائله دن کیمسه بی بوله مدم . دوندم طولاشندم ملجاً و پناگاه
غربا اولان مقر خلافت کلدن . او زمان خانقاه جناب پیرده پوست نشین
ارشاد بولنان شیخ عبدالعزیز افندی به انا به ایله درگاهده قرار قلدن . قدرک
بو جلوه سیدرکه بزی بو دارالفیض الهی به سوق ایدوب قدح معلا دن
جرعیاب ایلدی .

بو خانقاه فیض اکتناه ایله موره لیلر آره سنده اوتنه نبری برمناسبت
واردر . تربه شریفده مدفون اعزّه کرامدن موره وی شبنخ یحی
افندی و قتیله درگاهک پوست نشینلرندن ایدی ، او یحی افندی که مصرلی
دیه شهرت بولمش اولان سامی پاشانک بیوک پدری در . بو نکچوندرکه
سامی پاشا مرحوم آخر عمرینه دک درگاهی زیارتدن خالی قالمشدر . کرک
کندینک کرک مخدومی صبحی پاشانک حضرت نورالدین حقننده
بلیغ وغراء قصیده لری واردر . چو جقلغمزده درگاهک توحیدخانه
سندمه معلق لوحه لری از برله دیکمز صرده بر دانه سی بزی اول قدر
اسلوب و خیاله حیران ایتشدی که حالا اونوته مام . اوده صبحی پاشا
مرحومک کنجلیکنده سویله مش اولدینی شویتدر :

سینه چاک عشق اولوب درگاه نورالدینده

صبحیا داغ دلی جراحی به قیل آشکار

حضرت نورالدین جراح پاشالی اولدینی ایچون جراحی دیه
شهرت بولمش اولدینی حالد پاشا مرحوم اصل محله نک بانیسندن
مناسبت الدیرمق شوکوزل خیالی احتوا ایدن بیتی انشاد ایلمش .

دونه لم صده : سنوی درت کیسه فاضی اولوب پدرک وفاتیه
مناصفه ایکی قرن داشه انتقال ایدن اسهامک براتلری والدنک یاننده
محفوظ ایدی . نه برکره کورمک بزم خاطر مزه کلدی ، نه ده اولده
کوسترم دیدی . نهایت راقم الحروف سیواسده ایکن اسهام دولت
تحويلات عثمانیه به تبدیل اولدینی جهته اندن صوکره دخی کورمک
بکا نصیب اولدی . فقط رحمتی والدنک وفاتندن صکره اوراق پدری
تدقیق ایتدیکم اثنا ده مرحومک عهده سنده قید حیات ایله مشروط
اوج عدد اسهام براتی کوردم . بو اوج براتک ایکسی ، برغمه وتوابی

مابدی وار برکت زاده : اسماعیل مفی

تصحیح — کچنکی [یاد ماضی] ده [نورالدین] ، [عنکبوت] ،
[صباحلری] ، [روخی] کلاتی سهواً [نوری الدین] ، [عنکبوت] ،
[صباحلری] ، [روض] دیه ترتیب ایدلمشدر .

مَوْلَا عَظَمَاءُ

مقروی
مناسبتی اسماعیل حق
مهرری
ح . اشرف ادیب
۵۴ درس — ۲۳ کانون ثانی سنه ۲۲۴

اعوذ بالله من الشیطان الرجیم . بسم الله الرحمن الرحیم « یرید الله
لیین لکم و یریدکم سنن الدین من قبلکم و یتوب علیکم والله علیم حکیم .

والله یرید ان یتوب علیکم و یرید الدین یتبعون الشهوات ان تمیلوا میلاً
عظیماً . یرید الله ان یخفف عنکم و خلق الانسان ضعیفاً .) صدق الله العظیم :
بواوچ آیت جلیله سورة نسا ده یکدیگری ولی ایدرک واقعدر :
بوسورة جلیله ده سکرز آیت واردر که بشارت جلیله قرآنیله دن معدود ددر :
عبدالله ابن عباس بیورمشدر : « ثمان آیات فی سورة النساء هی خیر
لهذه الامة فاطلعت علیه الشمس وغربت » سورة نسا ده سکرز آیت
جلیله واردر ، او آیتلر بوامت محمد ایچون او قدر خیرلی ، اودرجه
فائده لیدر ، اولرتبه شرف وسعادت تأمین ایدرکه شمسک طالع وغارب
اولدینی بتون کائنات ، طلوع وغروب معروض بتون موجودات ،
الحاصل مظهر رغبت انام اوله جق بوتون اشیادن خیرلی واشرفدر .
بتون دنیا به مالک اولسهر او قدر منفعت تأمین ایده مزله ، اما شو آیاته
رعایت ایدرلر سه : هم دنیا هم آخرته موجب سعادتلری اولور .
دنیا به نسبت ایدر سه ک چوق فوقنده : صکره آخرت سعادت تی ده تأمین
ایدر . اوج آیت ایشه بواوچود قلمزدر . درنجیسی : « ان تجتنبوا
کبائر ما تنهون عنه نکفر عنکم سیئاتکم و ندخلکم مدخلا کریماً » .
بشنجیسی : « ان الله لایظلم مثقال ذره وان تک حسنة یضاعفها ویؤت
من لدنه اجرأ عظیماً » . صکره الشنجیسی : « ان الله لایغفر ان یشرک
به ویغفر ما دون ذلك لمن یشاء » یدنجیسی : « ومن یعمل سوء
او یظلم نفسه ثم یتغفر الله یجد الله تواباً رحیماً » . سکرزنجیسی : روایت
مشهوره به کوره — که ابوالسعود تفسیرنده ، بیضاویده مذکوردر . —
« ما یفعل الله بعذابکم ان شکرتم و آمنتم و کان الله شاکراً علیاً » . فقط
بعض تفاسیرده بونک یرینه بشقه بر آیت روایت ایدیلور : « والذین
امنوا بالله ورسوله ولم یفرقوا بین احد منهم اولئک سوف نؤتیهم اجرهم » .
ایکیسی ده برمعنا به یقین . ایچنده پک بیوک تبشیرلر وار .

شمعی بوراده کی اوج آیتدن برنجیسی کچن هفته عاجزانه تفسیر
ایتدم . دیکر لیده صرسته تفسیر اولنه جق انشاء الله :

کچن هفته کی درسزده : « یرید الله لیین لکم و یریدکم سنن الدین
من قبلکم و یتوب علیکم والله علیم حکیم » آیت جلیله سنه ایکی معنا
و یرلمشدی : « لیین لکم » یا ، ظاهر اولدینی اوزره ، « یرید » نک
مفعولیدر : جناب باری تبیین حقایق ، تأسیس احکام مراد ایدیور
دینک اولیور . . یاخود « یرید الله الحق لیین لکم » تقدیرنده در . جناب
باری دائماً حق مراد ایدر ، حق نه ایسه سزه اونو تبیین ایده جک ،
حق باطلدن تمیز بیوره جق . « و یریدکم سنن الدین من قبلکم »
حلالی ، حرامی سائر احکام جلیله بی تبیین ایله سزلی ، سزدن اول
یکن انبیا و صالحینک یوله ، مسلکنه ارشاد و هدایت بیوره جق .

بوندن اول بر چوق آیات ، احکام ذکر اولنمشدی . کرک نسانک
حل و حرمتنه دائر ، کرک میراث تقسیمنه دائر ، کرک یتیملر و سائر
ضعفای عباده متعلق بر طاقم احکام شرعیه بیان ایتدی . بونلر ایشه
نیچون بیان اولندی ؟ ... تا که سزدن اول کچنلرک یوله کیده سکر ،
اونلرک مسلکنه سالك اوله سکرز .